

10 najcescih opravdanja muslimanki koje ne nose hidjab

Submitted by Sebil on Sat, 2011-09-03 01:28. [Za sestre](#)



Uhvati voz pokajanja, sestro moja, prije nego sto prodje tvoju stanicu. Razmisli o tome, sestro moja, sada – prije nego sto bude prekasno!

Prvo opravdanje: Jos uvijek nisam uvjerena da je hidzab potreban. Ovoj sestri postavljamo dva pitanja: Prvo: Da li je ona iskreno uvjerena u ispravnost islama? Prirodan odgovor jeste: Naravno da je uvjerena, jer ona izgovara "La ilahe illallah!" (Nema boga osim Allaha), sto znaci da je uvjerena u...

akidu, a onda kaze: "Muhammedun resulullah!" (Muhammed je Allahov poslanik), sto znaci da je uvjerena u islamske zakone (seri'at). Dakle, ona je uvjerena u islam kao sistem vjerovanja i zakona kojim se ona rukovodi u vlastitom zivotu.

Drugo: Da li je hidzab dio islamskog zakona (seri'ata) i da li je obaveza? Ako je ova sestra iskrena u svojoj namjeri i ako iskreno zeli znati istinu, onda bi njen odgovor jedino mogao biti: Da. Jer, Allah, u koga vjeruje, naredio joj je nosenje hidzaba u Svojoj Knjizi (Kur'anu), a Poslanik (s.a.w.s.) u cijju poruku vjeruje, naredio je nosenje hidzaba u svom sunnetu. Kako nazivamo osobu koja vjeruje u ispravnost islama, ali ipak ne cini ono sto su Allah i Njegov poslanik naredili? Sigurno je da oni ne mogu biti od onih o kojima Allah govori u ovom ajetu: **'Kad se vjernici Allahu i Poslaniku Njegovu pozovu, da im on presudi, samo reknu: "Slusamo i pokoravamo se!" - Oni ce uspjeti.'** [Sura En-Nur, 51]. Ukratko: ako je sestra uvjerena u islam, kako moze biti neuvjerena u njegove naredbe?

Drugo opravdanje: Uvjerena sam u islamsku nosnju, ali moji mi roditelji zabranjuju da ga nosim, a ako ih ne poslusam, ici cu u Dzehennem.

Onaj koji je dao odgovor na ovo opravdanje je najbolji od svih Allahovih stvorenja, Allahov poslanik (s.a.w.s.), a on je rekao: "*Nema pokornosti stvorenom u nepokornosti Stvoritelju.*"[Ahmed]

Status roditelja u islamu, narocito majke, veoma je vazan. Allah je pokornost roditeljima spomenuo odmah iza obozavanja Njega i Njegovog tevhida, u mnogim ajetima. On je rekao: '**I Allahu se klanjajte i nikoga Njemu ravnim ne smatrajte! A roditeljima dobrocinstvo cinite.**' [Sura En-Nisaa, 36]

Pokornost roditeljima nije limitirana osim u jednom aspektu, a to je ako oni naredjuju nepokornost Allahu. Allah je rekao: '**A ako te budu nagovarali da drugog Meni ravnim smatras, onoga o kome nista ne znas, ti ih ne slusaj**' [Sura Lukman, 15]. Ako se desi da se roditeljima suprotstavimo kada nas nagovaraju na grijeh, to nas ipak ne smije sprjecavati da prema njima budemo dobri i da se ophodimo ljubazno. Allah je u istom ajetu rekao: '**Prema njima se, na ovome svijetu, velikodusno ponasaj**'.

Ukratko: Kako se mozes pokoravati roditeljima i ne pokoravati se Allahu koji je stvorio i tebe i tvoju majku?

Trece opravdanje: Moja pozicija ne dozvoljava mi da se oblacim po islamskim propisima.

Sestra koja ovo kaze je jedna od ova dva tipa: Ili je iskrena i postena, ili je lazov koji zeli da njen "hidzab" istice njenu ljepotu, da je atraktivan, "moderan" i skup.

Pocet cemo sa odgovorom iskrenoj i postenoj sestri. Jesi li svjesna, draga moja sestro, da je nedozvoljeno zeni muslimanki da napusti kucu bez odjece koja je islamski propisna, te da je svaka muslimanka duzna znati uslove propise islamske odjece?

Ako si ulozila truda i vremena da naucis ovosvjetske stvari, zar mozes zapostaviti ucenje onih stvari koje ce te spasiti od Allahove kazne i srdzbe nakon smrti!!!? Zar Allah ne kaze: 'Pitajte sljedbenike Knjige (ucene ljude) ako ne znate.' [Sura En-Nahl, 43]. Zbog toga, moras da naucis propise hidzaba.

Nemoj izlaziti bez ispravne odjece, jer time ces traziti Allahovo zadovoljstvo i sejtanov neuspjeh. Draga moja sestro, ako si zaista iskrena u svojoj namjeri i odlucna u tome, naci ces hiljade nacina olaksanja, a Allah ce ti uciniti sve lahkim! Zar Allah nije Onaj koji kaze: '**A onome koji se Allaha boji, On ce izlaz naci i opskrbit ce ga odakle se i ne nada; onome koji se u Allaha uzda, On mu je dosta.**' [Sura Et-Talak, 2-3]?

Sto se tice sestre koja nije iskrena, rekli bismo joj: Cast i pozicija je nesto sto je odredio Allah i ono nema veze sa pokazivanjem odjece i boja, niti sa modnim trendovima. Cast je u pokornosti Allahu i Njegovom poslaniku

(s.a.w.s), kao i u slijedjenju Allahovih zakona i ispravnog islamskog hidzaba. Poslušaj Allahove riječi: 'Najugledniji kod Allaha je onaj koji ga se najviše boji' [Sura El-Hudžurat, 13].

Ukratko: Radi sve tako da traziš Allahovo zadovoljstvo i ulazak u Njegov Džennet i pridaj manje važnosti skupim predmetima i bogatstvima ovog svijeta.

Cetvrto opravdanje: Veoma je vruće u mojoj zemlji i ja to teško podnosim. Kako bi mi tek bilo da nosim hidžab?

Allah nam daje jedan primjer: 'Reci: "**Džehennemska vatra je još vruća!" - kad bi oni samo znali!**' [Sura Et-Tevba 9:81] Kako možeš upoređivati vrućinu u tvojoj zemlji i vrućinu džehennemske vatre? Znaj, sestro moja, da te je sejtan uhvatio u jednu od svojih slabih zamki da bi te poveo iz vrućine ovog svijeta u vrućinu džehennemske vatre. Oslobodi se iz ove zamke, a vrućinu sunca gledaj kao blagodat, a ne teskocu, posebno jer te ono može podsjetiti na Allahovu kaznu koja je mnogo veća od vrućine koju ti sada osjećas. Vрати se Allahovoj naredbi i žrtvuj ovosvjetsku udobnost na putu spasa od Džehennema, o kojem Allah kaže: '**U njemu svježine neće osjetiti, ni pica okusiti, osim vrele vode i kapljevine.**' [Sura En-Naba', 24-25].

Ukratko: Put do Dženneta je težak i zahtijeva trud, a put do Džehennema je pun želja i ceznji.

Peto opravdanje: Ako sad počnem nositi hidžab, bojim se da ću ga poslije skinuti, jer sam vidjela mnoge koje su to uradile!!

Ovoj sestri kažem: Kada bi svako primjenjivao tvoju logiku, napustili bi vjeru u potpunosti! Napustili bi namaz u strahu da će ga napustiti poslije. Napustili bi post u Ramazanu jer bi se mnogi bojali da će ga poslije napustiti? Zar ne vidiš kako te sejtan zarobio u svoju zamku i odvratio te od pravog puta? Allah voli kontinuiranu pokornost, čak i ako je mala ili samo preporučena. A šta je sa onim što je apsolutna obaveza, kao što je nošenje hidžaba?!

Poslanik (s.a.w.s) je rekao: "*Allahu najdraže djelo je malo, ali redovno djelo.*" Zasto nisi pokušala da nadješ uzroke što su te druge žene skinule hidžab, tako da bi ti mogla da izbjegavas te uzroke i da se trudiš otkloniti ih? Zasto nisi potražila načine ohrabivanja i stjecanja jačine imana tako da ih se možeš držati? Jedan od ovih načina je i dova Allahu da učini srce čvrstim u vjeri, kao što je molio Poslanik (s.a.w.s). Drugi načini su namaz i svjesnost, kao što je Allah rekao: '**Pomozite sebi strpljenjem i molitvom, a to je, zaista, teško, osim poslušnima, koji su uvjereni da će pred Gospodara svoga stati i da će se Njemu vratiti.**' [Sura El-Bekare, 45,46] Među drugim načinima koji vode do jačeg imana su pridržavanje islamskih naredaba, a jedan od njih je sigurno i nošenje hidžaba.

Ukratko: Kada osjetis slatkocu imana, neces vise zapostaviti Allahove naredbe cim ih jednom pocnes primjenjivati.

Sesto opravdanje: Ako pocnem nositi hidzab, niko me nece htjeti ozeniti, pa cu odloziti hidzab do udaje.

Bilo koji muskarac koji zeli da si nepokrivena i da se otkrivas u javnosti uprkos tome sto to predstavlja nepokornost Allahu, nije vrijedan da ti bude muz uopce. To bi bio muz koji nema osjecaj da zastiti ono sto Allah od nas zeli, i nece ti pomoci na bilo koji nacin da udjes u Dzennet ili da izbjegnes Dzehennem. Dom ciji temelj je nepokornost Allahu moze biti dom u koji Allah da bijedu i teskoce i na ovom i na onom svijetu. Kao sto je Allah rekao: '**A onaj ko okrene glavu od Knjige Moje, taj ce teskim zivotom zivjeti i na Sudnjem danu cemo ga slijepim oziviti.**' [Sura Ta Ha, 124]

Brak je blagodat od Allaha. Koliko pokrivenih zena je udato, a koliko je nepokrivenih jos neudato? Ako bi ti rekla "...moje nepokrivanje je samo nacin da ostvarim dobar brak", znaj da se u islamu dobar cilj ne moze postici kroz neispravan nacin. Ako je cilj castan, onda se mora postici putem cistih i dobrih metoda.

Ukratko: Nema blagoslova u braku koji je zasnovan na grijehu i neispravnosti.

Sedmo opravdanje: Ne nosim hidzab zbog onog sto je Allah rekao: '**I o blagodati Gospodara svoga kazuj!**' [Sura Ed-Duha 93:11]. Kako mogu biti pokrivena kada mi je Allah dao prelijepu kosu i ocaravajucu ljepotu?

Ova sestra se pridrzava Allahove Knjige i njegovih naredaba samo dok se oni poklapaju sa njenim licnim zeljama i shvatanjima! Ona zapostavlja one stvari koje joj nisu po volji. Ako nije to u pitanju, zasto ona onda ne slijedi ajet: '**I neka ne dozvole da se od ukrasa njihovih vidi ista osim onoga sto je ionako spoljasnje**' [Sura En-Nur 24:31] i Allahove rijeci: '**O Vjerovjesnice, reci zenama svojim, i kcerima svojim, i zenama vjernika neka spuste haljine svoje niza se**'. [Sura El-Ahzab, 59]?

Ovakvom izjavom, sestro moja, ti si za sebe napravila zakon od onoga sto je Allah strogo zabranio, a to je uljepšavanje i otkivanje. Razlog za to je: Nedostatak zelje kod tebe da se pridrzavas naredbe. Najveca blagodat koju nam je Allah dao je iman i pravi put, a medju njima je islamski hidzab. Zasto onda ne pokazuješ i ne govoriš o ovim najvećim blagodatima koji su ti dati?

Ukratko: Zar ima veca blagodat za zenu od imana i hidzaba?

Osmo opravdanje: Znam da je hidzab obavezan, ali nosit cu ga kada me Allah uputi da to ucinim.

Pitamo ovu sestru koje planove ili korake misli preduzeti dok ne prihvati Bozije uputstvo? Mi znamo da je Allah u Svojoj mudrosti dao uzrok ili nacin za sve. Zbog toga, bolesni ljudi uzimaju lijek da ozdrave, putnik koristi vozilo da bi stigao na mjesto odredista, i mnogo drugih primjera. Da li se ova sestra ozbiljno potrudila da trazi pravi put i ispravne nacine da ga slijedi, kao sto je dova Allahu, jer u Kur'anu se kaze: **'Uputi nas na Pravi put'** [Sura El-Fatiha 1:5]. Drugi nacini su druzenje sa pobožnim sestrama – jer one ce joj pomoci u tome da se vrati na pravi put i da je savjetuju dok je Allah ne uputi i ne da joj veci iman. Ona bi se onda pridrzavala Allahovih naredaba i pocela nositi hidzab koji je obaveza vjernicama.

Ukratko: Ako je ova sestra zaista ozbiljna i iskrena, treba da potrazi sve nacine da dodje do pravog puta.

Deveto opravdanje: Nije jos vrijeme za hidzab, jos uvijek sam premlada ga nosim. Nosit cu ga kada budem starija i nakon sto odem na Hadzdz!

Melek smrti, sestro moja, posjecuje te i ceka na tvojim vratima da mu Allah izda naredbu, a to moze biti u bilo kojem momentu tvog zivota. Allah je rekao: **'... i kad dode njegov kraj, neće ga moci ni za tren jedan ni odloziti ni ubrzati.'** [Sura Al-A'raf 7:34].

Smrt, sestro moja, ne pravi razliku izmedju mladog ili starog covjeka. Smrt moze doci u casu kada si ti u stanju velike nepokornosti i grijeha. Sestro moja, treba da se nadmeces u pokornosti sa onima koji se nadmecu da poslusaju Allahove naredbe: **'Nadmecite se da u Gospodara svoga zaslužite oprost i Dzennet, prostran koliko su nebo i Zemlja prostrani, i pripremljen za one koji u Allaha i poslanike Njegove vjeruju.'** [Sura El-Hadid 57:21]. Sestro, ne zaboravi na Allaha ili ce On zaboraviti na tebe tako sto neće spustiti milost Svoju na tebe u ovom zivotu i u drugom zivotu. Zaboravljas na svoju vlastitu dusu time sto ne svojoj dusi ne dajes njegovo pravo da se pokorava Allahu i da Ga obozava.

Allah je rekao o licemjerima: **'I ne budite kao oni koji su zaboravili Allaha, pa je On ucinio da sami sebe zaborave; to su pravi grjesnici.'** [Sura El-Hashr, 19] Sestro moja, nosi hidzab u svojoj mladosti, jer Allahova kazna je velika i On ce te pitati na Sudnjem danu za tvoju mladost i za svaki moment tvog zivota.

Ukratko: Nemoj da pretpostavljas da ce doci buducnost koju planiras. Kako mozes garantovati da ces zivjeti sutra?

Deseto opravdanje: Bojim se da ako nosim islamsku odjecu, bit cu oznacena kao da pripadam nekoj grupi.

Sestro moja u islamu, postoje samo dvije grupe u islamu, a one su obje spomenute u Allahovoj Knjizi. Prva grupa je Allahova grupa kojoj On daje pobjedu zbog njihove pokornosti. Druga grupa je grupa prokletog sejtana koji se ne pokorava Milostivom i koji povecava nered na zemlji. Kada se ti cvrsto

drzis Allahovih naredaba, a medju njima je i nosenje hidzaba, postajes dio grupe bliske Allahu. Kada se uljepšavas na neislamski nacin i pokazujes svoje cari, onda si u istoj grupi sa sejtanom i njegovim prijateljima.

Zar ne vidis kako trcis od Allaha sejtanu, zamjenjujuci lose za dobro? Trci, sestro moja, Allahu i slijedi Njegov put: **'Zato pozurite Allahu, ja (Muhammed) sam vam od Njega da vas javno upozorim.'** [Sura Ez-Zarijat, 50]. Hidzab je nacin obozavanja i obaveza koja nije podložna misljenjima ljudi, njihovim orijentacijama i izboru, jer Onaj koji je naredio hidzab je Mudri Stvoritelj.

Ukratko: U trazenju Allahovog zadovoljstva, u nadi za Njegovu milost i uspjeh u Njegovom Dzennetu, odbaci sve sejtanove spletke i nagovaranja! Drzi se cvrsto Allahovih zakona i slijedi primjer majki pravovjernih i ashaba zena.

Zakljucak: Tvoje tijelo je na pokazivanju na sejtanovom trzistu, zavodi srca muskaraca; tvoja frizura, uska odjeca koja pokazuje svaki detalj tvog tijela, kratke haljine koje pokazuju tvoje noge, ukrasena i namirisana odjeca - izaziva srdzbu Milostivog i pruza zadovoljstvo sejtanu! Svaki dan koji provedes u ovom stanju odvodi te dalje od Allaha i dovodi blize sejtanu. Svaki dan dovodi te blize kaburu, a melek smrti je spreman da uzme tvoju dusu.

'Svako zivo bice ce smrt okusiti! I samo na Sudnjem danu dobicete u potpunosti place vase, i ko bude od vatre udaljen i u Dzennet uveden - taj je postigao sta je zelio; a zivot na ovome svijetu je samo varljivo nasladivanje.' [Sura Ali 'Imran, 185]

Uhvati voz pokajanja, sestro moja, prije nego sto prodje tvoju stanicu. Razmisli o tome, sestro moja, sada – prije nego sto bude prekasno!